

又法曰元綱流演比喻人身與天流演者同人之元炁發自明堂宮右腎命門上爲九天之根屬西北乾方紐太淵府黃炁上入於心心屬火絳宮左旋流循腦後風門玉枕宮循入左目日宮右旋下厯東北箕宿足少陰大指流轉一身周迴一帀旋轉右肩係无色界纏入右日月宮然後迴度五常從三十五分脊骨流入下丹田左腎水宮衝入肝木纏脾土中丹田次過肺金宮從十二重樓喉管通至泥丸宮上丹田顯門靈谷總出上元所謂上通金闕之庭三宮昇降上下往來无窮不息蓋人以經絡炁周於一身一日一夜百刻之中呼吸昇降計一萬三千五百息大會於風府者也脉屬陰陰行速猶太陰一月一周天息屬陽陽行遲猶太陽一年一周天如人之息脉元炁則應天之常度也陰陽順則流演循度陰陽和則天和脉息和則人和也

契玄章

玄中太皇上帝高真

玄師曰玄中太皇者此西元王母八景玄妙之祖炁亦曰丹皇君乃上帝之道君上皇之聖真

泛景太霞嘯詠洞章

居西元太霞之府嘯詠空洞靈章以生其萬炁也

金真朗郁流響雲營

道藏輯要

度人經法

卷

九集七

左手執金真玉光右手擲流金火鈴流響三十五天天中雲
營

玉音攝炁靈風聚煙紫虛鬱秀輔翼萬仙

玉音攝高上之炁靈風聚辟非之煙紫景蔚秀太虛萬仙輔
翼朝宗乃大洞迴風混合祕訣

成真章

千和萬合自然成真

玉文

薛幽棲註言修真之人千真和神萬道合炁真與神混體道
與炁合形自然成真也

真中有神長生大君

子文

道藏輯要

度人經法

畲

九集七

度命君也在臍下命門宮諱天真液字飛生上英絳衣元始
狀嚴東註字吁員

李少微註字曰吁育

无英公子

丑未

肝神也在肝制三魂也又號元靈素君諱玄字合符紫衣
蓮花冠

白元尊神

寅申

肺神也在肺拘七魄也又號白元洞陽君諱鬱靈標字玄夷
絕素衣蓮花冠

薛幽棲註无英白元二神居洞房宮宮在眉間直入二寸无